

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historiae ecclesiasticae saeculi ... XVI supplementum

Fecht, Johann

Francofurti et Spirae, 1684

VD17 VD17 3:315948Z

LXVII.

[urn:nbn:de:bsz:31-122751](#)

liana, Serenissimi Principis nostri Ferdinandi soror, p. m. quæ, cum aliquet dies febri continua laborasset, tandem 20. Septembris, diem suum extremum obiit. Juniori Hispaniarum regi desponsanda erat, cuius rei gratia vix decem horis, ante præmaturum ac luctuosum Serenissimæ Virginis obitum, Hispani Legati, connubium hoc procuratum huc advenere. Viam quoque universæ carnis ante mensem ingressus est Episcopus Labrensis noster. De hujus successore adhuc ambigitur. Domino Salomoni Egingero, Ecclesiae olim nostræ Ministro, qui Muraniam superioris Styriæ avocatus est, successorus est noster (ut spero) M. Josephus Röllinus, olim Ecclesiae Wellensis Minister, jam verò Exul. Vocatus est enim à Dominis nostris Ordinariis, per me, ad Ecclesiam nostram, ex Ducatu Wirtembergico, quo exulatum ante aliquot septimanas abierat. Tabellarius, qui hac de causa Studgardiæ, unâ cum litteris vocationis, ante duas septimanas abiit, nondum adhuc reversus est. Ejus tamen redditum singulis horis avidè expectamus. Bene & fœliciter cum tuis vale. Datum Græcii, prid. Michaelis, Anno 1597.

T. T.

Wilhelm. Zimmerman, D.

LXVII.

*Salutem in Christo.**Reverende & clarissime Domine Doctör, Domine, amice, & Compater honorande.*

Quas à Stephano, præsentium exhibitore, accepi literas, ad M. Colbiū diretas, meisq; inclusas, per Andream Angerspühlerum, qui 3. Octobris sacris à nobis initiatus est, cum Clagenfurtum rediret, prænominato M. Colbio transmisi. Sed sicut ab hoc nullum ab eo tempore responsum accepi: ita nec Peccelinum vidi, nec ipsius nomine quicquam eorum, qua ipsi concredidisti accepi. Urgebo tamen, prima quaque occasione oblata, responsum. De rebus bellicis ac Turcicis nihil propemodum apud nos habetur, nisi quod parcos ante dies exercitus noster, ab obsidione Rabana discessit, seque Comoram versus contulit. Causa hujus rei dicitur, quod hostium, seu Turcarum octoaginta millia prope Dorys confluxisse dicuntur, quibus nostrates obviam procedere, ac cum illis prælio concertare animum induxerint. Hæc utrum ita se habeant, nec ne, equidem ignoro. Nostrates obsidionem reliquisse, dubium non est. Quo consilio autem hoc fecerint, ambigitur. Reliqua apud nos in pristino sunt statu, nisi quod 14. rustici Superioris Styria,

A. 1597.

PARS SEXTA.

775

Styriae, propter seditionem illius loci excitatam captivi apud nos detinentur, quibus cum haud dubie male agetur. De reliquis puto me tibi scripsisse per civem Argentinensem. Scriptionem itaque abrumpo, teque cum tuis valere jubeo. Datum Graeci, 17. Octobris, Anno 97.

T. quem nosti.

Wilh. Zimmerman, D.

LXIX.

Salutem in Christo,

Reverende & Clarissime Domine Doctor, Domine, amice, & compater honorande.

Hodie modo, h. e. 25. Octobris st. no. Peclinus tuus me conveniens, & ternas literas, & tera exemplaria Commentariorum fratris tui Dn. D. Erasmi p.m. mihi tradidit, seseque, quibus potuit rationibus, de mora interposita excusavit. Gratias autem tibi ago maximas, pro honorifico, quo in Epistola tua dedicatoria me exornas, elogio, quo sanè me indignum judico. Debetem quidem talis esse, qualis abs te prædicor, sed tenuitatem & indignitatem mean lubens agnosco. Dici autem non potest, quam mihi fratri tui p.m. Commentaria eruditissima placeant, tum propter succinctam brevitatem, qua in Textus explicatione miro artificio utitur, tum propter doctrinas eruditissimas, qua ex textus explicatione profluant. Quod à me petis, ut commoda occasione observata, una cum Domino Ammanno, & literas & Exemplar transmissum, Dominis, Ordinariis tradi cutem, faciam hoc lubentissime. Contuli hac de re, hac ipsa hora, in absentia Dn. Ammani, cum D. D. Veneto, tui studiosissimo, & collatis sententiis consultum esse decrevimus, ut & tua literæ, & Exemplar tuum, ante tertium Novembbris diem, quo major Dominorum Provincialium Pars (der Ausschuss) conveniet, non tradantur. Tum enim & Dominus Ammanus ipse hic veniet, & negotium hoc tuum optimè promovebit. Quod nullum D. D. Veneto exemplar transmissum est, sollicitè te excusavi. Curabis autem, ut commoda occasione oblata, quod tuo nomine permisi, tu præstes, h. e. ut abs te exemplar accipiat, cui adjungere poteris adhuc unum exemplar, pro meo gennero, M. Daniele Forstmanno, viro doctissimo & optimo, qui quod Genesios explicationem in nostra Ecclesia, in manibus habet, & tui fratris p. m. Commentariis mirifice delectatur, unicè hoc per me abs te petit. Scripsisset ipsem eti hoc tibi hac de ratiōne, nisi hac septimana hebdomadarius fuisset, hancque ob causam usque adeò negotiis abrūtus, ut singulis diebus singulæ conciones Funebres, propter ægrotantium mul-

thū